



BOSNIAKISKA ISLAMISKA SAMFUNDET  
ISLAMSKA ZAJEDNICA BOŠNJAKA U ŠVEDSKOJ

# BILTEN

br. 9

Januar 2015.

Informativno glasilo



Intervju: Reis Kavazović za  
Radio Slobodna Evropa o napadu u Parizu

”Muhammed a.s., uprkos brojnim  
poniženjima kojima je bio izvrgnut  
od strane ljudi, nikada zbog toga  
nije ubijao ljude.”



Bemuf  
Vjerom u budućnost

KÄNNER DU TILL  
DEN ANDLIGA VÅRDEN  
PÅ SJUKHUS FÖR  
MUSLIMER?

MUSLIMSKSJUKHUSKOORDINATOR.SE

## Uvodnik za 9.broj Biltena

Ovogodišnje obilježavanje rođendana Muhameda, a.s., bitno je pomučeno ponovnim objavljivanjem karikatura Muhameda, a.s.



Teško se oteti dojmu da to nije namjerno učinjeno da se još jednom uvrijedi i nanese bol svakom muslimanu. I ne samo to. Vrijedati Muhameda, a.s., na ovaj način i to baš u mjesecu kad se u cijelom svijetu obilježava njegov rođendan, miriše na izazivanje što žešće reakcije muslimana.

I desilo se baš to. U Parizu je izvršen stravičan zločin.

O tom događaju kazano je puno toga. Poznat je i stav zvanične Islamske zajednice u BiH.

Mi se ne možemo oteti dojmu da su ta dva brata, tobože braneci islam, zapravo najviše naštetili upravo islamu.

I ne samo to. Svojim djelom oni su omogućili da se Poslanik, a.s., još više vrijeđa i ismijava. Jer, umjesto da se te karikature ignoriraju i da ih vidi jedva koja desetina hiljada ljudi, nove karikature su vidjeli milioni...

Nama jeste teško zbog napada i vrijeđanja, ali ti napadi ni za trunku ne mogu da umanje veličinu Muhameda, a.s.

Ovi napadi, zapravo, treba da budu dodatni impuls da se još više vraćamo sunnetu Poslanika, a.s., i da ga samo još više volimo.

Salavat i selam, Tebi najdraži!

Idriz-ef. Karaman

**Glavni urednik**

Idriz-ef. Karaman

**Izvršni urednik**

Almedin-ef. Spahić

**Redakcija**

Savjet glavnog imama:

Smajo-ef. Šahat

Nezir-ef. Špiodić

Elvedin-ef. Bešlija

**Saradnici u ovom broju:**

hfz.Jusuf-ef. Horozović


Hasan-ef. Jašarević



**SADRŽAJ**

Impresum	2
Uvodnik	
Mevlud u Malmeu	3
Skupština Norrköping	
Gost dr.Safvet Halilovic - Norrköping	4
Džematske aktivnosti Helsingborg	5
Saradnja sa školama Halmstad	6
Hutba	7
Okrugli sto - Banja Luka	9
Intervju	11
Reisu-l-ulema	

## Rođendan Poslanika, a.s., u džematu Malme



dr. Osman-ef. Kozlić  
banjalučki muftija

**“U subotu, 3. januara, organiziran je glavni mevludski program, a poseban gost bio je glavni imam IZB u Australiji Salih-ef. Mujala, koji se prisutnima obratio prigodnim vazunasihatom.”**

Ovogodišnji rođendan Muhameda, a.s., u džematu Malme obilježen je nizom različitih sadržaja.

U četvrtak, 1. januara 2015. održana je tribina, čiji je gost bio banjalučki muftija dr. Osman Kozlić. Muftija je govorio o situaciji na području banjalučkog muftiluka, te izazovima koje sa sobom nosi organizacija vjerskog života na ovom dijelu Bosne i Hercegovine. Odavno posjetioci tribine nisu bili tako oduševljeni nastupom nekog gosta kao što je to bilo ovaj put. Bilo je impresivno slušati sa koliko entuzijazma i ljubavi, te različitih ideja muftija prilazi svom poslu. Svemu, pa i onim najsloženijim problemima, muftija prilazi sa toliko pozitivnog naboja, da to nikog ne ostavlja ravnodušnim.

Na kraju svog obraćanja muftija je govorio o dijaspori. Iako je u dijaspori boravio relativno malo, pokazao je da odlično poznaje stanje naših ljudi razabacanih po cijelom svijetu, te ponudio nekoliko vrlo interesantnih ideja kako da se dijaspori bolje pomogne. U tom smislu, stavio se na raspolaganje da posjeti što više naših džemata, ali i da organizirano dočekuje naše ljude prilikom njihovog dolaska na godišnje odmore.

U subotu, 3. januara, organiziran je glavni mevludski program, a poseban gost bio je glavni imam IZB u Australiji Salih-ef. Mujala, koji se prisutnima obratio prigodnim vazunasihatom.

Sutradan je mevlud proučen i u obližnjem gradu Eslövu, a nekoliko mevluda proučeno je i u domovima džematlija.

I.K.

## Održana redovna skupština u džematu Norrköping



Foto: Arhiva (džemat Norrköping)

U subotu, 24.01.2015. god., IZ-a Norrköping održala je svoju 21. redovnu godišnju skupštinu. Odziv džematlija bio je velik. Skupština je završila, hvala Allahu, dž.š., u naljepšem redu.

S obzirom da je skupština bila izbornog karaktera nanovo su izabrani članovi IO-a. Odbor broji devet članova, a Mensur Mustafić je ponovo izabran za predsjednika.

## 12. rebiu-l-evel u džematu Norrköpingu

”Gost dr.hfz.Safvet-ef. Halilović je profesor tefsira i kur'anske antropologije na Islamskom pedagoškom fakultetu u Zenici, te član Vijeća povjerenika Svjetske unije islamskih učenjaka.

Studirao je na poznatom islamskom univerzitetu Al-Azhar u Kairu, gdje je diplomirao (1992.), završio postdiplomske studije i magistrirao (1997.) i doktorirao na Odsjeku za tefsir i kur'anske znanosti (2001.).

Objavio je preko 90 radova iz oblasti tefsira (tumačenja Kur'ana), sire – Poslanikovog životopisa, kur'anske antropologije, povijesti islama, islamskog misionarstva, odgoja i obrazovanja. Saradnik je u više islamskih novina i časopisa. Učestvovao je na brojnim naučnim simpozijima u Bosni i Hercegovini i svijetu.”



Na poziv džemata Norrköping od prvog do petog januara gost predavač u našem džematu bio je dr.hfz. Safvet Halilović, a povodom 12. Rebiu-l-evvela, tj. rođenja Muhammeda, s.a.v.s.

Hafiz Halilović je u petak održao hutbu džematlijama, a u subotu nakon jacije namaza uz veliko prisustvo džematlija održao prigodno predavanje.

Također, predavanja su održana u subotu i nedjelju nakon podne namaza. Naš gost je posjetio i džemat Linköping u petak nakon jacije gdje je održao predavanje.

Džematlije su imale priliku da u društvu našeg gosta postavljaju pitanja kao i diskutiraju o aktuelnim temama koje su zastupljene u našim džematima.

Možemo kazati da je posjeta ispunila očekivanja što preporučujemo i drugim džematima.

hfz.Jusuf-ef. Horozović



## Januarske aktivnosti džemata Helsingborg



U ovom tekstu sa čitateljima Biltena IZB u Švedskoj podijelit ćemo u nekoliko rečenica najvažnije aktivnosti džemata Helsingborg koje su održane u januaru mjesecu.

**Početak januara**, tačnije u subotu 3. dana u 2015. godini održan je mevludski program u povodu rođenja posljednjeg Božijeg poslanika Muhammeda, alejhi selam.



12. rebiu-l-evel obilježen je širom svijeta učenjem Kur'ana, salavata i prigodnim vazovima. Tako je bilo i u našem džematu. Pored navedenog, mevludski stihovi o Resulullahu, ilahije i recitacije o njegovom životu ispunile su ovogodišnji mevludski program. Na kraju, sa temom *Muhammed, alejhi selam je milost svjetovima* prisutnim džematlijama se obratio imam Nezir ef. Špiodić.

Nakon završetka programa upriličen je i kviz o životopisu Poslanika, alejhi selam. Kviz je bio nekoliko sedmica ranije najavljen, kao i potrebna literarura. Pobjednici kviza, tačnije njih troje, nagrađeni su od Džemata.



**Sedam dana kasnije, tačnije 10. januara 2015. godine**, je oko 50 polaznika vjerske pouke džemata Helsingborg imalo priliku uživati u igri i druženju sa svojim prijateljima iz mektebskih klupa.

Jedni su za svoje druženje izabrali bowling, a drugi Busfabriken. Nasmijana lica, njihovo zadovoljstvo i želja da ostanu što duže, svjedočili su da im je bilo jako lijepo.

Ovim su nagrađeni za svoju redovnost i trud u mektebu, a sigurni smo da će njihovi rezultati, ako Bog da, biti i u budućnosti sve bolji i bolji.

Također, druženje i razgovori vrijednih roditelja naših mektebskih polaznika, posebna su prilika da se još bolje upoznaju i više zblize.



Ovo je bila još jedna aktivnost džemata Helsingborg s ciljem buđenja ljubavi prema mektebu i ljubavi prema zajednici, druženjima i zajedničkim aktivnostima.

**U subotu, 24. januara**, poslije ikindije namaza održana je redovna godišnja Skupština džemata Helsingborg. Skupštini se odazvala dovoljna većina članova, a gost Skupštine i ujedno predsjedavajući bio je glavni imam Idriz ef. Karaman. Usvojeni su svi godišnji izvještaji i izabran je novi Izvršni odbor sa predsjednikom Fahrudinom Hasanovićem.

Nezir ef. Špiodić

## Halmstad: Saradnja sa švedskim školama

**“Andersbergsskolan är Hallands mest internationella skola med barn från cirka 30 olika länder. Verksamheten består av förskoleavdelningar samt en skola med cirka 300 elever. Skolan är från och med läsåret 08/09 uppdelad i två spår - Fregatten och Briggen, där varje spår består av förskoleklass till skolår 5.”**



Dana 16.01.2015.g. uspostavljena je saradnja i upriličena prva posjeta džematu jednog razreda iz osnovne škole “Andersbergsskolan” koja se nalazi u neposrednoj blizini našeg džemata.

Tom prilikom džemat Halmstad posjetio je jedan razred iz navedene škole sa svojim učiteljicama. Grupa učenika sa učiteljicama su obišli prostorije našeg džemata, upoznati sa sadržajem naših prostorija i svrhom.

Nakon obilaska lokala, razvila se lijepa diskusija uz pitanja koja su učenici i učiteljice imali priliku upitati, a na koja je odgovarao imam džemata Almedin-ef. Spahić.

Djeca su se vratila zadovoljna svojim školskim obavezama, počašćeni u džamiji sokovima koje su odlučili iskoristiti uz užinu koja ih je čekala u školi.


Učiteljice su iskazale veliko zadovoljstvo posjetom, te se odmah raspitivale o mogućnosti i drugih posjeta, drugih razreda kao i privatnih posjeta. Što je već uspješno dogovoreno i zakazane su nove dvije posjete dva razreda u mjesecu februaru.

Jedna od učiteljica je istakla da je zadovoljna prijemom, te konstantovala da je u svojoj karijeri kao učiteljica uspjela po prvi put okupiti najveći broj učenika za posjetu ovog tipa.

Grupu učenika sa učiteljicama dočekali su i ugostili imam džemata i predstavnica aktiva žena Fatima Hajrić.

A.S.

## Hutba: Petak i džuma-namaz, milost ummetu Muhammeda s.a.v.s.



Hatib: Hasan-cf. Jašarević  
džemat Malmö

“Svakom narodu  
Uzvišeni Allah  
odredio je da jedan  
dan u sedmici bude  
poseban dan, sa  
posebnim počastima,  
kada za razliku od  
drugih dana lakše  
dolazimo do velikog  
broja sevapa-dobrih  
djela, i kada je put do  
Allahove milosti  
olakšan. Uzvišeni  
Allah nas poziva i  
kaže:

„O vjernici , kada se u  
petak na molitvu  
pozovete,  
kupoprodaju ostavite i  
pođite da molitvu  
obavite; to vam je  
bolje, neka znate! (El-  
Džuma 9)”

Svakom narodu Uzvišeni Allah odredio je da jedan dan u sedmici bude poseban dan, sa posebnim počastima, kada za razliku od drugih dana lakše dolazimo do velikog broja sevapa-dobrih djela, i kada je put do Allahove milosti olakšan. Uzvišeni Allah nas poziva i kaže:

„O vjernici , kada se u petak na molitvu pozovete, kupoprodaju ostavite i pođite da molitvu obavite; to vam je bolje, neka znate! (El-Džuma.,9)

Nama, ummetu posljednog Allahovog Poslanika, Muhammeda a.s. dato je da naš najodabraniji dan u sedmici bude petak. Naprimjer, Musau a.s i njegovom narodu dato je da svetkuju subotu. Isaau a.s i njegovom narodu data je nedjelja. I dan danas potomci tih naroda svetkuju i posebnu čast pridaju tim danima. Vi ovaj petak evo svjedočite ovoj Božijoj milosti koja nam je data, i došli ste na džumu-namaz, ali kao što kada hoćemo da se ogrijemo treba da vatru pojačamo, tako i da ako hoćemo da osjetimo veličinu i posebnost petka, treba da znamo zašto je on baš toliko poseban, pa ćemo ga ako Bog da spremnije dočekivati i bolje iskoristavati.

Draga braćo, Muhammed a.s. bi četvrtkom postio, a noć uoči petka posebno ibadetom obogatio.

Ovom mubarek danu, kao najodabranijem u sedmici, treba odati posebno poštovanje kako je to propisano islamskim propisima. Ovaj dan je sunnet uzeti gusul-okupati se, obući najljepšu odjeću, lijepo se urediti i namirisati, pruciti suru Kehf, dosta salavata na Resulullaha ranije otići na džuma-namaz.

To je najljepši dan koji je sunce obasjalo. Na taj dan je stvoren Adem, alejhisselam, na taj dan je otišao u Džennet, taj dan je izveden iz Dženneta, a objavljeno je da će Kijametski dan nastupiti na taj dan.

Imam Ahmed , bilježi hadis od Ibn Evsa es-Sekafija koji je rekao: *“Čuo sam Allahovog poslanika, s.a.v.s, kako kaže: "Ko se očisti i okupa u petak, rano ustane i među prvima dođe pješke, a ne na jabalici, sjedne blizu imama i sasluša ga, ne progovori - za svaki ce korak imati nagradu kao što se ima od godine dana dobrovoljnog posta i namaza”.*

Ako čovjek ispoštuje navedeno u ovom hadisu, nadati se je da će mu džuma biti iskup za male grijehе koje je počinio između te i predhodne džume. Vjerovjesnik, s.a.v.s, je rekao: "Pet dnevnih namaza, džuma do džume i ramazan do ramazana, brišu grijehе počinjene između njih, ako se izbjegnu veliki grijesi”.

Kada se zauzme mjesto u džamiji obaveza je svakog prisutnog da pristojno sjedi, lijepo bi bilo da se ne pružaju noge bez potrebe, a posebno prema Kibli. Takođe je pokuđeno naslanjati se na stubove ili zidove džamije, jer se na taj način tijelo opusti i oslabi koncentracija za praćenje hutbe koja je obaveza kao i sami namaz.

Kada se imam popne na mimber zabranjeno je igranje bilo čime kao i svaki razgovor.

Poslanik, a.s, rekao je: *"Ako na džumi, dok imam govori, drugu do tebe (koji priča) rekneš, 'šuti' - učinio si besmislicu"*.

**“Ali moram i da spomenem da nažalost mnoga naša braća, naši prijatelji, poznanici, ipak neopravdano ne dolaze i ne obavljaju džumu-namaz a mi veoma često zažmirimo i pravimo se da ne vidimo to, i tek tako pored toga prođemo. Ali ja vjerujem da to ne treba tako da bude. Svako od nas ima dužnost i obavezu promicati dobro a o zlu i lošem govoriti i druge upozoravati. Jer doista će svako od nas biti pitan zašto nismo kada nam je bila data prilika svoga brata, prijatelja ili komšiju upozorili jer nam je Muhammed a.s oporučio i kazao:**

***„Ko izostavi uzastupno tri džume bez opravdanog razloga , bit će upisan u munafike-licemjere". (Tirmizi)”***

Draga braćo, zahvaljujem Allahu dž.š. što nas je milošću svojom uputio da ispoštujemo njegovu naredbu i dođemo i klanjamo džuma-namaz, jer doista ko ovom danu da njegovo pravo i da od sebe sve da to što bolje obavi mnogo će ako Bog da dobrih djela na svojoj vagi na Sudnjem danu pronaći.

Ali moram i da spomenem da nažalost mnoga naša braća, naši prijatelji, poznanici, ipak neopravdano ne dolaze i ne obavljaju džumu-namaz a mi veoma često zažmirimo i pravimo se da ne vidimo to, i tek tako pored toga prođemo. Ali ja vjerujem da to ne treba tako da bude. Svako od nas ima dužnost i obavezu promicati dobro a o zlu i lošem govoriti i druge upozoravati. Jer doista će svako od nas biti pitan zašto nismo kada nam je bila data prilika svoga brata, prijatelja ili komšiju upozorili jer nam je Muhammed a.s oporučio i kazao:

*„Ko izostavi uzastupno tri džume bez opravdanog razloga , bit će upisan u munafike-licemjere". (Tirmizi)*

Ne bismo voljeli da nam se na Sudnjem danu naši poznanici muslimani vještaju po našim vratovima I svjedoče protiv nas, jer ih nismo upozorili, nismo im rekli, nismo ih lijepo pozvali I objasnili.

Naše je da kažemo, da im što ljepše predstavimo sve ljepote ovog dana I ovog ibadeta. Naše je I da dovom molimo Uzvišenog i Milostivog Allaha dž.š. , da kao što je nama ukazao svoju milost, ukaže I našoj braći. Da ih uputi I zajedno sa nama u saff da stanu I Allahu na sedždu panu. E to je uspjeh za jednog muslimana, svjesnog da kada bi se jedan nas brat, vratio Allahu I namazu za svaki njegov ibadet I mi bi istu količinu sevapa kao i on dobili bez da se njemu umanj, jer smo bili vrijedni i uporni i zato nam slijedi velika nagrada.

Allahu dragi, pomoz nam da u vjeri budemo stameni. Da u ibadetu Tebi budemo nepokolebljivi, svjesni da smo Tvoji i da se Tebi vraćamo. Uputi nas i osnaži na pravom putu, naše porodice, našu braću i sestre. Podari nam da ovaj svijet napustimo kao muslimani, i proživi nas u društvu Poslanika, šehida i dobrih Tvojih robova, Amin!!

Malmö, 30.01.2015.  
Hasan-ef. Jašarević



## Početi razgovore o zakonu o restituciji u BiH



**“Na početku okruglog stola o temi**

**“Ostvarivanje i zaštita prava na imovinu, u kontekstu primjene Zakona o premjeru i katastru i Zakona o porezu na nepokretnosti u RS-u”, koji se danas održava u Banjoj Luci, reisu-l-ulema Kavazović je istakao da je to važna tema i za cijelu BiH.**

**Ukazao je da su vakufi imali vrlo značajnu ulogu u društvenom životu BiH kolika je njihova uloga u podršci socijalnim grupama u BiH.”**

Reisu-l-ulema Islamske zajednice u Bosni i Hercegovini Husein ef. Kavazović istakao je danas u Banjoj Luci da se mora otvoriti razgovor o povratu imovine vjerskim zajednicama te da je zakon o restituciji temeljni zakon za rješavanje tog pitanja.

Taj zakon treba usvojiti, kazao je ef. Kavazović ističući da je važno otpočeti razgovore o toj temi.

Na početku okruglog stola o temi “Ostvarivanje i zaštita prava na imovinu, u kontekstu primjene Zakona o premjeru i katastru i Zakona o porezu na nepokretnosti u RS-u”, koji se danas održava u Banjoj Luci, reisu-l-ulema Kavazović je istakao da je to važna tema i za cijelu BiH.

Ukazao je da su vakufi imali vrlo značajnu ulogu u društvenom životu BiH kolika je njihova uloga u podršci socijalnim grupama u BiH.

Stoga je otvaranje ovog pitanja i na državnom nivou veoma važno, jer je država preuzela ulogu da izvrši restituciju svim vjerskim zajednicama.

“Imajući u vidu put ka EU, koji je ispred nas, IZ želi potaknuti ljude, pa i ovom konferencijom da ovo pitanje ne guraju u stranu, već da ga pokušamo zajedno riješiti” - ukazao je Reisu-l-ulema.

Istaknuo je da vjerske zajednice „nisu megalomani“, već smatraju da treba vratiti ono što je moguće, a ono što nije riješiti određenim nadoknadama, odustajanjem vjerskih zajednica od određene imovine ili na neki drugi način.

-Najgore je sadašnje stanje, jer jedan dio vakufske imovine propada - kazao je reisu-l-ulema Kavazović.

Skup u Banjoj Luci, koji je organizirala Islamska zajednica u BiH - Vakufska direkcija Sarajevo, u saradnji s Muftijstvom banjalučkim, održava se uz prisustvo predstavnika domaćih i međunarodnih organizacija, institucija i pojedinaca, a pod pokroviteljstvom Reisu-l-uleme Islamske zajednice u BiH Huseina ef. Kavazovića i potpredsjednika RS-a Ramiza Salkića.

**“Ideja o održavanju okruglog stola nastala je kao dio sveukupnog procesa borbe Vakufske direkcije za zaštitu imovine Islamske zajednice i imovine Bošnjaka u RS-u, a ima za cilj jačanje svijesti Bošnjaka o nužnosti učestvovanja u svim postupcima koji se odnose na njihovu imovinu, kao i uključivanje svih relevantnih faktora u ovaj proces da bi bile izbjegnute eventualne negativne posljedice primjene Zakona.”**

Ideja o održavanju okruglog stola nastala je kao dio sveukupnog procesa borbe Vakufske direkcije za zaštitu imovine Islamske zajednice i imovine Bošnjaka u RS-u, a ima za cilj jačanje svijesti Bošnjaka o nužnosti učestvovanja u svim postupcima koji se odnose na njihovu imovinu, kao i uključivanje svih relevantnih faktora u ovaj proces da bi bile izbjegnute eventualne negativne posljedice primjene Zakona.

Direktor Vakufske direkcije Senaid Zajimović ukazao je da iako je Zakon o premjeru i katastru stupio na snagu 2013. godine, Zakon o porezu na nepokretnost se primjenjuje od 1. januara 2012., evidentno je da u javnosti i kod Bošnjaka nema dovoljno informacija o ovim zakonima, te je organiziranje ovog okruglog stola se postavilo kao neminovnost.

Osim toga iskustva s terena govore da je u nekim slučajevima došlo ili može doći do neprincipijelnog provođenja Zakona, te da su Bošnjaci indirektno u nepovoljnijem položaju.

Naglasio je da je Vakufska direkcija Islamske zajednice u BiH pokrenula spektar aktivnosti na zaštiti prava Bošnjaka i imovine Islamske zajednice u RS-u.

Budući da se očekuje intenzivnija primjena Zakona o premjeru i katastru, u ovoj instituciji su uvjereni da je neophodno poduzeti korake da se Bošnjacima ukaže na moguće negativne posljedice za njihovu imovinu ukoliko ne budu aktivni, te daju instrukcije kako da zaštite svoju imovinu u RS-u.

Uvjereni su i da se u taj proces nužno moraju uključiti sve relevantne institucije i pojedinci.

([www.rijaset.ba](http://www.rijaset.ba))

**Slušajte i preko interneta!**  
**[www.bir.ba](http://www.bir.ba)**



## Reis Kavazović za RSE o napadu u Parizu



mr.Husein-ef. Kavazović  
reisu-l-ulema

**“Ne postoji ništa što mi vjerujemo, što iskazujemo u našim životima, da je važnije od ljudskog života i sigurnosti ljudi s kojima živimo.”**

Nakon napada na francuski magazin ”Charlie Hebdo” reagovala je i Islamska zajednica u BiH, tim povodom naš gost je reisu-l-ulema Islamske zajednice u BiH, Husejn-ef. Kavazović.

### **Gosp. Kavazoviću kako ste doživljeli napad na novinare u Francuskoj?**

Zločinački čin koji je izveden nad nevinim ljudima u Francuskoj, u ime Islamske zajednice mi dozvolite da porodicama prije svega, francuskom narodu, izrazim sućut u ime muslimana BiH za ono što se dogodilo. Vidjeli smo, da to neki naravno povezuju sa određenim karikaturama koje je taj list objavljivao o poslaniku Muhamedu s.a.v.s. Mi kao muslimani, znamo iz naše svete tradicije da je Božiji poslanik Muhamed s.a.v.s. bio u svom životu ponižavan od strane ljudi, ali nikada nije ubijao za ono što mu se događalo. Naravno, ja vjerujem u principe demokratskog francuskog društva. Poruka je poslana, želi se podijeliti francusko društvo i to na način da se udarilo na najvažniji stub, dakle francuske revolucije, a to je sloboda. Sloboda govora je za evropski kontinent, za savremeni svijet jedna od najvažnijih sloboda i oni koji su planirali ovaj teroristički akt, dakle zločinački akt su tačno znali što čine i šta im je cilj. Ja se nadam da francuski narod, neće dozvoliti da se ova stigma pripíše muslimanima, dakle, da su muslimani odgovorni za ovaj teroristički čin. Smatram da svi sada trebamo zajedno ustati i muslimani i kršćani, međusobno se pomagati i sarađivati sa vlastima. Pozivam i apeliram muslimanima u Francuskoj kao i svugdje naravno da shvate da je sigurnost ljudi najvažnija od bilo čega. Ne postoji ništa što mi vjerujemo, što iskazujemo u našim životima, da je važnije od ljudskog života i sigurnosti ljudi s kojima živimo.

### **Hoće li to pojačati strah od islamofobije, u posljednje vrijeme imamo slučajeve kada se u Švedskoj pale džamije, imamo proteste u Njemačkoj, jačali to islamofobiju u Evropi?**

Mi bez sumnje smo svjedoci porasta islamofobije u Evropi i to nije naravno samo ovim činom, on će ga samo pojačati kao takav, ali vidimo da je to izraženo od strane onih snaga u Evropi, koji bi upravo željeli da Evropom vlada mrak, poput i ovih koji na isti način žele taj isti mrak. Žele da nas podjele, žele da nas udalje jedne od drugih itd. Ovo će sigurno imati posljedica, ali ja vjerujem u demokratske snage, vjerujem u ljude ispravne orijentacije. Vjerujem u ljude koji neće dopustiti generalizaciju da se muslimanima pripišu ova zlodjela. Ponavljamo, dakle, kao muslimani a na koncu i kao reisu-l-ulema u BiH da uistinu muslimani s ovim nemaju ništa i da mi se pridružujemo osudi onih koji su ovo izveli.

### **Kakva je vaša poruka građanima BiH, a prvenstveno muslimanima, naročito u svjetlu odlaska na strana ratišta?**

Mnogo puta smo apelirali i govorili da ratovi koji se vode nažalost u islamskom svijetu prije svega, nisu ratovi bosanskih muslimana, dakle, građanski rat u Siriji smatram da je stvar sirijskog naroda i oni to trebaju riješiti na najbolji način.



**“Građanski rat u Siriji smatram da je stvar sirijskog naroda i oni to trebaju riješiti na najbolji način.**

**Naravno, najbolje bi bilo da sjednu za sto i da mirnim putem riješe unutarnje nesuglasice. Zbog čega bi bosanski muslimani učestvovali u jednom takvom ratu?”**

Naravno, najbolje bi bilo da sjednu za sto i da mirnim putem riješe unutarnje nesuglasice. Zbog čega bi bosanski muslimani učestvovali u jednom takvom ratu? Ne vidimo nikakvo opravdanje za takvo nešto i mnogo puta smo ponovili i kazali da odlazak na ta ratišta je džavoli posao. Da učestvovanjem u tom ratu nanosimo samo bol, istim tim muslimanima i s jedne i s druge strane. Ne vidimo nikakvog opravdanja da se to čini. Radujemo se da je država donijela određene zakone, nadamo se da će ih i primjeniti. Moramo svi ustati u odbranu mira u svijetu i života. Moramo koliko god je moguće mladim ljudima, koji mogu biti isfrustrirani, mogu biti zavedeni, koji mogu biti predmet obrada različitih grupa, koje imaju svoje interese u svijetu da ih se odvede na ratišta, da se upotrijebi kao „meso“ u svemu tome, želimo im kazati nemoj te to činiti. Želimo roditeljima poručiti, molim vas kada primjetite neka dešavanja sa vašom djecom, Zajednica je otvorena mi smo na raspolaganju koliko budemo mogli pomoći ćemo da liječimo te rane, ali ne možemo sami, ponekad se i mi osjećamo usamljeno. Napad na imama Beganovića u Velikoj Kladuši, to želim kazati, nisam čuo nikog da je osudio taj napad, nažalost ni jednog političara, niko to nije osudio. Danas sam prvi put ovdje imao Jonathana Moora iz OSCE-a, čovjeka koji želi da ga posjeti ali niko drugi ni intelektualci, niti političari niti bilo ko drugi da je nama dao podršku da kaže, da ovo je nasilje nad čovjekom koji je samo kazao da naša djeca ne trebaju ići tamo. Zašto se to događa, jesmo li postali toliko neosjetljivi za ono što bi trebalo da nas se tiče. A trebalo bi da nas se tiče životi naših ljudi, dakle ovdje kao i životi svakog čovjeka na svakom pedlju ove zemlje, ovo je očito borba između svjetla i mraka, i ja ne sumnjam ko će je dobiti ali moramo, dakle, ustati kao jedan i kazati da je to zlo koje osuđujemo i na koje upiremo prstom.

**Gosp. Kavazoviću hvala vam lijepo što ste govorili za radio Slobodna Evropa.**

([www.slobodnaevropa.org](http://www.slobodnaevropa.org))

